



Broj: 13-11-4-11159/25  
Datum: 12.12.2025. godine

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javnu nabavku roba, radova i usluga, Općinska načelnica d o n o s i

## ODLUKU o poništenju postupka javne nabavke

### I

Poništava se postupak javne nabavke „Protupožarna zaštita objekata Općine“.

### II

Za izvršenje ove Odluke zadužuje se Služba za zajedničke poslove.

### III

Odluka o poništenju postupka javne nabavke objavit će se na web stranici [www.novosarajevo.ba](http://www.novosarajevo.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

## Obrazloženje

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinske načelnice broj: 13-11-4-11159/25 od 19.11.2025. godine.

Procijenjena vrijednost javne nabavke sa PDV-om je: 35.000,00 KM (slovima: tridesetpet hiljada i 00/100 konvertibilnih maraka).

Obavještenje o javnoj nabavci broj 935-1-1-205-3-289/25 objavljeno je na Portalu javnih nabavki dana 21.11.2025. godine.

Komisija za javnu nabavku roba, radova i usluga je imenovana Rješenjem Općinske načelnice broj: 01-30-5-5935/25 od 09.07.2025. godine.

Iz Zapisnika sa otvaranja ponuda vidljivo je da je do dana 11.12.2025. godine, pristigla ponuda sljedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	Pro Team d.o.o. Sarajevo	34.999,64 KM

Nakon izvršenog otvaranja ponuda, Komisija za javne nabavke roba, radova je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom, Zakonom i podzakonskim aktima, te je konstatovala sljedeće:

Ponudu ponuđača Pro Team d.o.o. Sarajevo, Komisija je ocijenila kao **neprihvatljivu** iz sljedećeg razloga:

Tenderskom dokumentacijom u tački 7.4. „Tehnička i profesionalna sposobnost“ zahtjevano je da ponuđači trebaju ispunjavati minimalne uslove, između ostalog i sljedeće:

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: [zajednickiposlovi@novosarajevo.ba](mailto:zajednickiposlovi@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

„ b) Tražena roba treba da odgovara zahtjevanom iz Obrasca za cijenu ponude

**Dokaz za c:** Dostaviti kataloge ili/i prospekte ili/i fotografije ili/i priručnike ili/i tehničku dokumentaciju iz kojih je vidljivo o kakvoj ponuđenoj robi i kakvih tehničkih karakteristika se radi, sa označenim proizvodom koji se nudi u skladu sa propisanom tehničkom specifikacijom iz Obrasca za cijenu ponude (Dokument 8).“

Ponuđač Pro Team d.o.o. Sarajevo je dostavio u sklopu svoje ponude (stranice 57 – 61) tehničku dokumentaciju za ponuđena vrata, iz koje je vidljivo da ista ne odgovara traženom u sklopu Obrasca za cijenu ponude.

U sklopu Obrasca za cijenu ponude za stavku B.1. tražena su protupožarna dvokrilna asimetrična vrata dimenzija Ag=1560 mm Bg=2100 mm, dok na stranici 59 ponude, ponuđač je ponudio dvokrilna puna protupožarna vrata dimenzija 2200 x 2300 mm.

Također, za stavku B.2. zahtjevana je isporuka i ugradnja protupožarnih jednokrlnih zaokretnih vrata, dimenzija Ag=1160 mm Bg=2060 mm, dok je ponuđač ponudio jednokrlna protupožarna vrata dimenzija 1000 x 2100 mm.

Iz naprijed navedenih razloga, ponuda ponuđača Pro Team d.o.o. Sarajevo se nije mogla uzeti u dalje razmatranje

Komisija za javnu nabavku roba, radova i usluga jednoglasno je predložila Općinskoj načelnici da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke, jer nijedna od primljenih ponuda nije prihvatljiva.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom. Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.



Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.

